

09.03 MARELLA

Das ti il Vus – u schais vus gia ti?

Tge è curtaschaivel, tge è nuncurtaschaivel? En tge situaziun vala tge? Cura dar il ti, e cura èsi inditgà da dir Vus?



«Jau ma sent uss fitg bain cun dar il ti in a l'auter», quai di Prisca Cathomen, ortopedagoga che visita per sia lavur famiglias en Surselva. L'entschatta saja dentant stà curius, damai che a Cuira vegniva ditg Vus. Per Renata Coray ch'è sociolinguista di la moda e maniera co che nus discurren in cun l'auter bler davart la persuna che discorra. Ins na fa betg mo in maletg da la persuna a basa dal vesair ora, mabain era da la moda e maniera co che insatgi discorra. E là tutga il dir ti e Vus er latiers. E sa mida la comunicaziun tranter umans, sch'i vegn detg ti u Vus? Il psicolog da lavur Thomas Brandenberger na crai betg. Ma i po esser che la distanza creschia in zic e ch'i dettia dapli flosclas. E cun il ti datti vischinanza e quai saja bun.

Redacziun: Claudia Cathomen